

Raru whakarato: Wē paracetamol 250 mg i roto i te 5 mL

Mai i te 1 o Noema 2022, kei te whakakapia te wē Paracare paracetamol 250mg i te 5 mL e tētahi momo hou ko Pamol te ingoa.

(Te whakahua ko 'pa-ra-SEE-ta-mol')

E tino whakamahia ana te wē paracetamol mō te kirikā me te whakamauru mamae, otirā mō te tamariki.

He aha te rerekē o Pamol paracetamol?

He rerekē te tae o Pamol paracetamol 250 mg i roto i te 5mL i a Paracare. He āhua mā te tae engari he rite tonu te reka – he rite ki te ārani te reka. He rite tonu te rahi o te kai hohe o roto, ā, he ōrite te mahi.



Kia mōhio

He ōrite pea te tae me te reka o ngā rongoā wē rerekē. Mēnā he pātai āu mō ēnei, me kōrero ki tō rata, nēhi, kaitaka rongoā rānei.



! He ōrite pea te tae me te reka o ngā rongoā wē rerekē. Me pānui i te tapanga i ngā wā katoa, ā, me tika te pota mā tō tamaiti. **KAUA RAWA e whakawhirinaki ki te tae, kakara, hā rānei.**

E hia te nui o te paracetamol me whāngai ki taku tamaiti?

- Kei te taumaha o tō tamaiti te pota paracetamol.
- Me ine i te taumaha o tō tamaiti KA tiro tiro i te kaha o tō paracetamol.
- Me whakamahi te tūtohi i konei hei kimi i te pota tika.

I mua i te whāngai paracetamol ki tō tamaiti:

- Me tiro tiro mēnā me whiwhi tonu tō tamaiti.
- Me tatari mō te 4 haora, neke atu rānei i waenga pota.
- KAUA e nui atu i te 4 ngā pota i roto i te 24 haora.
- Me tiro tiro i te rā mōnehu.
- Tirohia ētahi atu rongoā rewharewha, maremare, whurū rānei ka tukuna, he paracetamol pea kei roto.



He mea nui kia kaua e nui atu te whiwhi a tō tamaiti i te pota e tūtohua ana mō te rā. Mēnā ka nui rawa te whiwhi a tō tamaiti - i te wā kotahi, i ētahi rā rānei - ka tūkinohia pea e te paracetamol tōna ate.

Tūtohi pota paracetamol

Taumaha o te tamaiti	250 mg i roto i te 5 mL
Iti iho i te 5 kg	Me pātai atu ki tō rata, kaitaka rongoā rānei
5 kg	1.5 mL
6 ki te 7 kg	1.5 mL
8 ki te 9 kg	2 mL
10 ki te 12 kg	3 mL
13 ki te 14 kg	4 mL
15 ki te 16 kg	4.5 mL
17 ki te 18 kg	5 mL
19 ki te 20 kg	5.5 mL
21 ki te 22 kg	6.5 mL
23 ki te 25 kg	7 mL
26 ki te 28 kg	8 mL
29 ki te 32 kg	8.5 mL
33 ki te 36 kg	10 mL
37 ki te 41 kg	11 mL
42 ki te 60 kg	12.5 mL
Nui ake i te 60 kg	15 ki te 20 mL

i Mō ētahi atu mōhiohio mō te wē paracetamol, haere ki [pharmac.govt.nz/paracetamol-liquid](https://www.pharmac.govt.nz/paracetamol-liquid)